


蔡氏全書





漢書門		九			
類		八			
號		七			
函		三			
架		三			
冊		八			

內閣文庫		漢	
九		書	
八			
三			
架			
冊			

內閣文庫		
番號	漢	9806
冊數		8 (8)
函號		299 10


九





蔡氏全書

蔡權



淺草文庫



字仲平蔡沈季子西山先生孫也聰明英毅兄弟師友
子姪範刑以兄恩神承務即亦嗜學授廬峯書院山長
教授鄉閭講明義理一日拜龜山先生祠士友請公正
席臯比因取龜山楊文靖公求仁齊記與諸生講朋極
其詳密上下咸稱其得家學心傳者也著參同契論以
存二氏衍三問說以自省戒視其著述雖不及周程邵
張之富至與學者講說使人興起實不少讓焉學者

靜軒公像



稱曰靜軒先生

Vertical columns of faint text, likely a biographical inscription or a collection of poems, written in a cursive or semi-cursive style.



贊

故家喬木世守詩書父師之訓不違如愚好吟詩賦傳覽
諸經賢人同歸習與性成

祝沫 建陽人
興化知府

韓 公



蔡氏全書九卷目錄

宋 儒仲平甫靜軒 蔡 權 遺文

明 潭庠訓導新安 俞德光 裁訂

榮府教授邑人 劉朝陽 校正

考亭 後學 朱世澤 編葺

廬峰 後裔 蔡有鵬 脩梓

遺文目錄

皇極剛克要畧序

講明求仁齊記篇

講明為學之要篇

參同契論

三問說

八陣圖說

詩 五言長篇一首
七言律五首

附錄

靜軒公墓誌

陳言善

目錄畢

蔡靜軒先生遺文

皇極剛克要畧序

擒

啟

權梅戟陣之法始於黃帝與炎帝戰於阪泉擒蚩尤于涿鹿繼于蚩啟之征有扈然五帝三王之迭興行軍以仁義自無敵于天下文武並用長久之術此皇極所以貴剛克

術徒

也但後世之為將者知微數而不知仁義是從欲以法制驅之而帝王仁義之師蔑如也然天下之數九而究矣九者數之體也八而極焉八者數之用也減一則為陣益一則為戟減者虛其中所以藏其用也益者取其對所以備

其數也。屢其中大將之所居，取其對勝伏之所用，損益之法自然。而然變通不窮，神武莫測，得失預定，其機參錯，異習其智，故我先君上自風后，下接孫吳，雜考百家傳記之說，著為要畧，使人知黃帝以來用兵以仁義如此，其善孫吳以降用兵以術數如彼，其毒則時君世主知所好惡，不至窮兵黷武，玩殺者闕以殘吾民之命，其用心亦厚矣。觀古人箕張舒翼之布，不一與今人自不相遠，但其分合出入奇正相生之變，自在主兵者一時運用之妙，亦非要畧之所能傳耳。蒙諸同志以權之不肖，素知其說之詳，得俾

序諸首顧權不足與乎斯文，但知仁義之為美術，數之說君子所不道也。顯望總兵政者，而能剛柔兼濟，知勇仁義並用，庶或有廣於皇王體用之德云。

講明求仁齊記篇

淳祐壬子春，權到將樂，拜龜山先生祠，因與嫡孫楊道夫等取先生求仁齊記講明之權，曰：古之學者求仁而已，傳曰：放於利而行，多怨。又曰：求仁而得仁，又何怨。銜鬻而不售，轉而易業者，皆於利而怨者也。吾以求仁名子之齊，庶皆下恐少放字。乎求仁必得而無怨也。古之人所以求仁者，不亦難乎。孔

徒

門之徒問仁者多矣而夫子所以告之者豈一槩而言歟
有罕言以仁者以仁道至大而言之不盡也故凡所言者
皆求仁之方也若夫仁則未之嘗言其徒如由如賜雖曰
升堂之士至於仁終莫之許也所謂求之之難不其然歟
學者試以求仁思之以究古人求仁之方將必有以得之
矣龜山先生為質學省翁之相所建書堂深嘉而樂道之
既扁之以求仁又述其義以為之記所以勉進後人求為
學之意深且切矣然引而不發則仁道之大將安所用力
耶朱子以心之德愛之理言之又曰當理而無私心曰金

祖

體不息詳此十六字而求仁之要在是學者於二先生受
罔極之恩詔之愈至豈求之之難果如先生所記去乎嘗
聞仁者心之理也是理根於人心用力於內者足以得之
心不外馳所存自熟則仁在其中孟子曰仁人心也放其
心而不知求哀哉學問之道無他求其放心而已文公言
求說得外只是箇存心存心便是求仁所謂求仁者不故此
便坐心而已又曰嘗存此便是求仁之方其靜生未接物之時
此理湛然清明及其遇事應接時此理隨處發見只要人
常常提撕省察一息之間存養久之則是理愈明雖欲忘

之不可得矣釋仁遠乎或章曰仁者心之德非在外也放
而不求故有以為遠者反而求之即此而在矣三復文公
之言則知求於心者乃求仁之要法也學者求放心其用
力之要當何如亦曰敬而已夫子告顏淵為仁以克己復
禮為仁禮者敬之興也答仲弓問仁以見賓承祭為言賓
祭者敬之推也至於居處恭執事敬無非以敬為先敬則
主一無適自然操持收斂心存不放念念相續私欲屏息
而仁亦存敬則常惺惺自然體認涵養之功熟人欲淨盡
天理流行而仁亦熟敬之於心非有知也惟整齊嚴肅而

問

心即在焉心之於仁非相離也亦惟心不外馳而仁即在
焉張子曰敬非有內外賓主之辨敬在此而心即在此也
非心之外別有所謂敬也朱子謂須更有闡私欲萬端心
之所養者未熟欲之害仁者隨至非心之外別有所謂仁
也嗚呼仁之德愛之理當理而無私心全體而不息仁之
極切大矣求不自此心之存養充擴者始也誠於中形
於外高明光大接續不已極而至於表裏內外遠近精粗
無不該貫心之妙用亦大矣求不自此敬之提省收斂
整齊嚴肅者始也先賢言敬只是一箇心常惺惺便是豈

未

可指擊詘曲拳塊然在此而後為敬仁只是此心常在腔
殼中為主無私欲間斷則滿腔子皆惻隱之心是則心持
而敬自存心存而仁自熟求放心即所以求仁持敬即所
以求放心雖有次第淺深之不同要其歸則一也龜山先
生嘗問學者曰當孺子入井時其怵惕惻隱何故如此學
者曰自然如此先生曰安得說自然了便休湏是求其所
自來而延平李先生每教人以靜坐默識體認天理求至
灑落處然後理與心一二先生之教深切著明曰求其所
自來曰求至灑落處無非直指其脈絡以示人諸君子試

合二說而求之靜以省察而驗仁道之從生敬以涵養而
使仁德之自熟則求仁之方過半矣權過庭知省翁為考
亭及門之士讀求仁一記知省翁源委之所自因拜先生
里宅之祠登觀所記求仁之辭即所見而信所聞蒙諸同
志不鄙晚學賢令君以教化為尚屈臨見示顧權先公以
典朱文公相對榻論道被謫死遠方權安敢復強聒而為
饒舌者哉仰惟先生載道之南所以私淑邑里之學非一
而理精義微無過於求仁一記誦其書升其堂如見其人
且衣冠矜佩之士衍衍濟濟藹然忠厚氣象益信前哲流

象

風善教之猶存敢不誦所聞以相切磋富貴利達無足留
慮百事紛來與化俱往獨有義理一途與天地通諸君子
其亦加之意焉耳淳祐壬子冬大寒日

講明為學之要篇

權謂學問之道無他惟在於格致誠正脩齊治平以造聖
賢之極致而已而其要惟在於求其放心而已誠能事事
審求其是決去其非積集之久心與理一自然發法無私
曲而聖人應萬事天地生萬物亦惟發去無私曲則放心
之收也自不難矣光師文公臨終語諸門弟子曰道理只
先

作 恁地但大家位此堅苦工夫須牢固着脚方有進步處學
者誠能堅苦工夫則勇猛精進到聖賢地位亦自不難

諸友尚當拳拳服膺由孔孟之室而漸次之

參同契論

慶元丁巳春先公因與文公朱先生註釋六經語孟學庸
之書而誦春陵正月初八日夜宿寒泉相與訂正參同契

終夕不寐經今四十餘年或問於權曰汝祖季通與朱晦
庵註參同契以黨異端乎抑為佛老二氏養生益壽之資

又 乎乎曰生可養壽不可益或人曰生既可養壽不可益子

之言何相悖也。權曰：生可衛養，差無病壽之術，短係於天，孰能違天而益之？不過以子時為一陽之生，當得調氣之法，彼佛氏之明心見性，似吾儒之盡心知性，其修心煉性，似吾儒之存心養性，而實相去不啻千里。由旬特相與辨明，以斥二氏之非，豈註之以黨異端乎？然則今之脩煉者，何如先公曰：世之人雖知養生之理，不悟脩行之法，則生亦不長。雖知修煉之方，不知養生之道，則脩亦無驗。善養生者，必先曲為之防，行不多言，恐神散而損氣；睡不張口，恐氣泄而損神；臨危登高，則魂魄散蕩；玩殺者，闕則氣結驚。

古 憂乎死，問病則哀，心流動，卧濕當風，則真氣泄弱。右廟幽祠不可入，入則神悸狂，禽異獸不可戲，之則神恐。對三光，瀉溺折人年壽，負四重深恩，滅人大數，飲宴於聖像側，而魂魄飛坐，卧於塚墓間，而精神耗枯。木大樹之下不可息，防陰妖觸人，陽神深水大湍之中不可馮，恐寒威逼人，真氣奇花異卉，莫折防招妖，恠入室非時，果實勿食，防帶邪氣入腹，妄言綺語，非患難不可類說，之滅人正壽。肥甘醴酒，非會合不可頻飲，之除人本祿，負德忘義，心招禍。輕人毀物，天不祐，世人若能慎於此壽，歿由之而定，是亦

脩煉之一法或曰吾儒之事果若斯乎權曰吾儒則異於
是仁義存於已道德備於身孝親而敬兄忠君而愛民陰
師而親友不絕物而棄智不貪生而罔利使天地萬物各
得其所是則吾儒格致誠正脩齊治平之學也豈佛老二
氏外物以爲智利而遺世者可同日而語哉或曰禁防誠
天爲脩煉之法敢問顏回大賢也得大地淳和之氣必能禁
防而脩身矣短命而夭死柳展雄大盜也負凶暴狼戾之
資必不能禁防而脩身何高壽而長存予前以子之言相
悖者正爲是也權曰昔程子有云衰周和氣有限養得

仲尼已是多顏子之夭乃世之變而不可以常理論也脩
爲者烏可視顏柳而遂懈其志哉君子惟其是而已其脩
短一付之於天因作參同契論以解世人之疑云嘉熙己
未春上元日

三問說

權讀書於西山之陽緬想祖父遺蹟歲已暮而將至學未
有聞德未加脩恐懼斯道之湮晦寤寐先哲之流芳因作
三問說以質同志焉曰冲漠溟滓謾無理乎一動一靜機
孰爲乎分陰分陰其無滯乎無形無兆曷塗轍乎有儀有

大衆孰樞紐乎或為之先其文本文字或為之後其往復乎氣
未之形極不先乎形之已著極安處乎動固非極靜為極
漢乎用固非極體為極乎惟寂惟漢其無對乎惟動惟作各
完具乎無極之極之果無乎有極之極之果有乎亭之當
當一物乎層之疊之惟無盡乎動靜無端曷無端乎陰
陽無始曷無始乎推之於前其有合乎引之於後其無離
乎混而成復及于一乎闢而復通達千萬語道其
虛無乎離道語器其土苴乎生生不窮孰不窮乎廣大不
禦孰不禦乎人極之立命之性乎帝之降衷其有恒乎人

之受中其有則乎大哉乾元資以始乎至哉坤元資以生
乎合虛與氣有是名乎與道為體有是實乎仁義禮智根
諸心乎剛柔善惡中而已乎萬物一原何通塞乎四端俱
塞有何明暗乎高明中通稟於陽乎卑暗偏寒稟於陰乎理
無不善矣有惡乎善固為性惡非性乎理附於氣能無偏
乎氣原於理不可及乎論性論氣二之可乎曰惡曰混豈
其然乎生之謂性其作用乎生之為性其氣質乎有形有
色其窒塞乎無善無惡非茫昧乎同出於理何相近乎各
受其成無相違乎成性存存成之往乎所性不存性其天

乎乎五性之仁善之長乎心之全德本末貫乎偏言一事受
之理乎義禮智信別有目乎休惕惻隱迹其端乎性情之
端生之道乎禮樂之著生之序乎入孝出恭其為本乎切
放 問近思仁在中乎為之由已非存心乎求其於心非居敬
乎何事於仁一念差乎無時非仁終食違乎克已復禮乾
之道乎主敬行恕坤之道乎與物為一特其量乎利澤及
人特其功乎仁固能覺之即仁乎仁固能愛之即仁乎推
已及物其恕矣乎以已及人其仁矣乎人欲淨盡天理完
乎天理流行仁體著乎內外合德其具拳乎終始如一其

博 不已乎博施濟眾必也聖乎胞々浩浩達天德乎既質以
言屏聽而息答曰子之所信乃所可疑子之所疑乃所可
信何必古初何必往聖及子身心厥有明證毫分縷析亦
得亦成三者理一一語事竟易不云乎窮理盡性以至於
命噫學之可以明乎吉凶消長之理進退存亡之道故可
警 以無大過矣乎因作三問說以自警淳祐辛亥重陽善旦
八陳圖說後解

權按八陳之制始於黃帝氏得風后於海隅登以為相得
力牧於大澤用以為將風后作兵法十三篇孤虛十二卷

立遁甲一千八十局而帝則有直木銳火方土圓金曲水
謂之金木水火土之五陣太公則有天之星宿孤虛地之
山川向背人之編伍弥縫謂天地人之三陣風后又有天
地風雲龍虎鳥蛇之八陣孫臏則有方圓牝牡衝直方宜
車輪鴈行之八陣吳起則有曲直銳封車箱車輕鵠鶴衝
二車之八陣李靖則有左虞候右虞候左一箱右一箱左十
箱右二箱不謂之六花陣與又有大黑子大赤子青蛇卯
白雲酉左突寅右擊申前衝巳後衝亥摧凶辰決勝戌破
敵丑先鋒未不謂之十二陣與四面攻其地謂之靖入其

地謂之伐出其君謂之檀奪其地謂之削兵加其境謂之
侵計治其罪謂之誅誅其君謂之殘塞之使不得與隣國
交通謂之杜絕其國謂之滅孔明又於魚腹浦墨風后之
八陣以迷陸遜輔助先主佐佑邦家精神變化各盡其妙
取用兵機微之理立兵乘之大法其法以八為數八八六
十四陣為正兵三八二十四陣為遊兵天衡十六陣居兩
端地軸十二陣居中間天籥衝四陣居右天後衝四陣居
左地前衝六陣居前地後衝六陣居後風八陣附天雲八
陣附地合而為六十四陣也天衡併前後衝為二十四陣

合風八陣為三十二陽也地軸併前後衝為二十四陣合
雲八陣為三十二陰也天衝四而地衝六者衝有餘而軸
未足也遊兵二十四陣在正兵四十陣之先凡行軍之法
結陣合戰設疑補闕全在遊兵天地之前衝為虎翼風為
蛇蟠兵象先陰以右為前又風從虎之與蛇皆陰類同位
西北也天地之後衝為飛龍雲為鳥翔兵象後陽以左為
後又雲從龍之與鳥皆陽類同位東南也以天地風雲為
四正龍虎鳥蛇為四奇此一圖八陣之制也每以二陣相
從一陣之中又有兩陣一戰一守中外有輕重之權陰陽

有剛柔之節彼此有虛實之地主客有先後之數非知兵
者莫能究也傳曰秦之銳士不能當齊晉之節制武侯曰
有制之兵無能之將不可以敗無制之兵有能之將不可
以勝是知節制也者尤善用兵者之首務與今言陣者必
曰八人豈不大謬與所以取勝者特詐謀奇計所謂三代
仁義之兵若時雨者無復見焉耳嗟夫先王耀德不觀兵
乎不得已而用者節制而已甘誓曰左不攻夫左汝不恭命
亦右不攻乎右汝不恭命收誓木曰不愆于四步五步六步
七步乃止齊焉不愆于四伐五伐六伐七伐乃止齊焉武

侯此制如此妙矣渭濱之屯居民安堵實三代之法也先
公季通著為圖說以示人其所以言者此不復論謂非知
兵機要者安能窺其蘊奧哉然於武畧則未必無小補云
寶祐甲寅仲夏長至日書

自詠

故居為山東十載去不還故人廬峯北一念長周旋風波
既渺藐歲月空推延園地益新好亭館故依然憶昔紫陽
翁沉醉春風前登覽意有會攜提筆如椽銀鈎并鐵畫燦
爛疑蜿蜒至今雕梁止日夕生雲煙觸事多思遠撫景良

獨妍秀色可覽結嵐光渺無邊斯文與斯亭千古無不刊

夜嘆

不寐中宵發嘆歌無聞見惡竟如何堪嗟歲月蹉跎久却
悔塵裳錯誤多事業分明早管晏源流直上接丘軻衰顏
皓髮雄心在蓄艾從今起宿疴

和鵝湖三先生韻

朱陸豪雄夙所欽本仁祖義渾同心高明頓足先登岸遂
密為山漸到岑易簡支離爭誦切禪關俗學互浮沉撐眉
擊恨來葱嶺公論昭明在古今

溪

遊西山

畫

洞天杳杳白雲低古木叢陰路欲迷畫永並無人跡混夜
深惟有鳥聲啼雨昏草色寒侵院風入松聲響亂溪障宿
尋幽心未愜馬回山下日將西

夜坐

露冷風高天氣清中秋月色更分明
捫懷永夜心同照抱膝孤燈興自頎
漏盡欣無塵客坐鍾鳴恍有老仙迎
歸來最愛天機靜莫遣紛紛混世情

掩扉

院靜秋深畫掩扉倦遊園圍坐忘歸
休驚白髮催顏瘦且看黃鸝遠樹飛
翠竹受風生遠韻碧梧竟夕含清暉
此間標格誰能會唯有孤星入少微

生正席皋比因取龜山先生楊文靖公求仁齊記與諸生
講明極其詳密上下咸稱其得家學心傳者也作參同契
論以斥佛老二氏之非三問說有自警省戒飭之意講明
求仁齊記貫通乎孔門諸弟子問仁之法作圖說後解精
詣乎忠武侯八陳兵制之要視其著述雖不及周程邵張
之富至與學者講說辨疑祛惑使人心興起實不少讓焉
自講讀之外視富貴利達若將免之者天性之高潔與祖
父無以異也獨處靜室幽軒終日怡々學者稱之曰靜軒
先生子公度鄉貢守先生清白之訓先生々于慶元乙卯

終

精

十月二日戌時卒于寶祐五年九月二日辰時享年六十
有三是年十二月一日未時葬于崇洛王之鵬林娶吳氏
生于慶元戊午十一月十日甲時卒于開慶元年七月二
十五日酉時是年十二月甲寅葬于崇泰里后山坵坊枕
橋舖後故謹書而刻之石以垂久遠云景定辛酉孟秋七
夕日書

杭

刻

蔡氏九覽全書卷之九

宋史道學傳
謝枋得
追封蔡沈建國公紀畧
至正十九年
國朝勘合目錄
正統二年皆字二百九十五號蔡沈從祀勘合
正統十四年積字貳百伍拾伍號勘合內一併褒崇
先賢事
成化五年福字壹十貳百捌拾柒號追封蔡沈崇安

宋元作興典章目錄

宋史道學傳

為蔡氏免差科書

追封蔡沈建國公紀畧 至正十九年

國朝勘合目錄

正統二年皆字二百九十五號蔡沈從祀勘合

崇 正統十四年積字貳百伍拾伍號勘合內一併褒崇

先賢事

貳 成化五年福字壹十貳百捌拾柒號追封蔡沈崇安

伯勤合... 成化六年皆字肆百柒拾柒號勘合內一件褒崇儒

道事

嘉靖九年釐正祀典以蔡元定從祀啓聖公祠令各

學通行稱先儒蔡氏之位

附啓聖祠議

蔡元定... 附啓聖祠議

禘

其等輒有愚慮之一得仰釋教道之萬分切惟賢者不得

租

見得見其象者可以崇之矣古之人不得見得見其似者

俗

可以續之矣范文正公守嚴州求嚴子陵之後而免租稅

相規

奉祠事者四象黃子耕守台州求謝上蔡之後給以田宅

者數人余景瞻守南劍求楊龜山之後賜以室廬養以廩

稍者十餘口皆明時士大夫盛德事也故象遺俗之昌微

豈特與郡政有相關者斯文之興喪世道之汚隆君子亦

規硯之伏見先覽西山先生蔡文節公學貫天人道高百

世師事朱文公最久其敬之無以異於二程之尊即康節也慶元學禁五十九人惟文節受禍最慘子孫寔多賢人以爲天道可信厥子節齊九峯二先生守父訓明師道以德行文學爲東南師表厥孫覺軒以立言垂不朽久軒先生文肅公精忠大節尊王庇民使文公之道愈信於天下士大夫能讀文公書者多矣未有一門四世力扶道脈如蔡氏者家傳清白恒產本不多其曾孫希塹希塾自至元十三年歸附後遭貪酷轉運破其家又棄其田逃難江西迎方還田里爲橫民冒佃者半荒萊無人耕墾者半路官

撥入馮站戶家有一物直錢則鬻以養馬今則無可鬻者矣皆爲困窮之民鄉人之善者大夫之賢者見之莫不流涕范文正之免相黃子耕之給田宅余景瞻之賜室廬廩稍不可望於今人矣切見文公門人能扶植道脈如劉文簡公黃文肅公之家皆蒙宜慰使薦擢省府褒表應有田產並免差科其已入站戶而破產者並與分簡出站與儒戶一例優恤獨蔡文節公一門四世尊信師道有功名教尤在諸賢之右特以子孫孤弱寒畯不爲當路達官貴人所知不得與劉文簡黃文肅兩家同沾清朝仁厚之澤豈

闕

非明世一闕事乎况蔡疑已係試中儒人必蒙優恤某等切聞師誨見義必為庸敢合肆鳴號於大夫君子之前欲望台慈備詞申里建寧路總管府福建道行尚書省府乞賜指揮劄下建寧路建陽縣將蔡文節公家子孫充為站戶而產去稅存者特與分簡出站照文公門人子孫及儒戶體例除地稅商稅外並免一應差科予以扶持名教興起人心有關於三極之道甚大豈特儒家有所勸獎知所趨向而已哉主張網維是在司道于冒師尊下情不勝俯伏俟命之至

見疊山文集

追封建國公紀畧

嘗謂文治興隆宜奉行於曠典儒先褒美期激厲於將來蓋

國家化民成俗莫先於學校而學校之設必崇先聖先師之祀者所以報功而示勸也我

興大朝崇儒重道之與度越前古既以加封先聖入成之號又

周追崇宋朝周敦頤等封爵得從祀廟庭報功示勸之道可謂至矣然有司討論未盡尚遺先儒楊時李侂胡安國蔡沉真德秀五人未列從祀遂使盛明之世猶有缺

典故宋龍圖閣直學士謚文靖龜山先生楊時親得程
門道統之傳排王氏經義之謬南渡後朱張呂氏之學
其源李脉絡皆出於時者也故宋處士延平先生李侗
傳河洛之學以授朱熹九集註稱引師說即其講論之
旨故宋中書舍人謚文定胡安國聞道伊洛志在春秋
纂為集傳羽翼正經明天理而扶世教有功於聖人之
門者也故宋處士贈太師永國公謚文正九峯先生蔡
沈從學朱子親承指授著書集傳發明先儒之所未及
深有功於聖經者也故宋翰林學士參知政事謚文忠

李

博

西山先生真德秀傳字窮經踐履篤實當時立偽學之
禁以固善類德秀晚出獨以斯文為己任講習之傳著
述發先儒之秘其功甚大况科舉取士已將胡安國春
秋蔡沈尚書集傳表章而專用之真德秀大學衍義亦
備經筵講讀是皆有補於國家治道者矣各人出處詳
見宋史本傳俱應追錫名爵祀先聖廟庭可以敦厚
儒風激勸後學宜命禮官討論典禮如周敦頤等例
奏施行以補阙典吾道幸甚本省以其言具咨中書省
仍遣胡瑜赴都投呈至正二十一年七月中書判送

宜

禮部行移翰林集賢太常三院會議俱准所言回呈中
書省二十二年八月奏准送禮部定擬五先生封爵謚
號俱贈太師楊時追封吳國公李侗追封越國公胡安
國追封楚國公蔡沈追封建國公真德秀追封福國公
各給詞頭宜命遣官齊往福建行省訪問各人子孫給
付如無子孫者於其故所居鄉里郡縣學或書院祠堂
內安置施行

至正十九年十一月

國朝勘合

蔡沈從祀勘合

見大明會典

福建等處承宣布政使司劄付承奉

禮部咨字貳百玖拾伍號勘合照會內壹件前事照得

廣東肇慶府知府王榮壹本奏欽惟

聖朝崇儒重道遠自顏回曾參以下迨而許衡吳澄諸儒
皆得從祀

學

孔子廟庭為萬世後學甚盛舉也考夫道字相承之緒宋

南

龜山楊時從學於河而程顥程頤得中庸鸞飛魚躍

席

之傳於言意之表踐履純固卓然以為一世儒宗豫
章羅從彥授學於楊時樞衣侍席二十餘載盡得不
傳之秘延平李侗又學於羅從彥受中庸語孟春秋

子

剖窮

熹又學于十個初年朱熹學之靡師出入經傳泛濫
釋老及見李侗洞明道要頓悟異典之非由是專精
致誠邵微窮源晝夜不懈至忘寢食而道統之傳盡
得所歸觀其註述六經等書不啻千萬言綱常賴之
自益正道學賴之益明推本所自益自師授至今前而

先

顯顯後而朱熹咸得從祀而楊時羅從彥李侗未與
其例又該順天府香河縣營縣事通判曹銘奏為從
祀事春秋上丁祭祀先師孔子諸儒配享從祀歷代
以來祀典已定我

缺

朝出楊雄進董仲舒吳澄誠百世觀感之盛舉也切思
性惡荀况短喪杜預穿鑿劉向列之從祀宋儒若胡
瑗楊時羅仲素李侗蔡沈胡安國真德秀有功道學
羽翼六經其格言微意擴先儒之未發處已行事正
大光明未入從祀禮典有缺前件議得胡安國作

春秋傳蔡沈作書傳真德秀作大學衍義即今通行
于世天下學者宗之誠有功於聖門垂訓于後世宜
入從祀合就通行本司轉行所屬儒學照依本部會
官議擬奏准并先已頒降聖賢位次圖式欽遵將文
昭定公胡安國居宋儒溫國公司馬光之次文正公蔡
沈居用封伯呂祖謙之次文忠公真德秀居文正公
蔡沈之次其塑像牌位照本處儒學廡內原定事例
以次建置欽遵施行
正統二年三月

崇

褒崇先賢事

福建等處承宣布政使司建寧府建陽縣縣坊老人林

惠等謹

奏為民情事臣欽遵

詔旨內壹件凡天下軍民利病許諸人直言無隱欽此欽

遵臣欽惟

天地至大無不覆載日月至明無不照臨江海至寬無不

容納恭惟

字

皇上治化之隆海宇清寧乾坤鎮靜無一民不得其所無

蒙

一物不被其澤雍熙之治民得樂業_臣等切見民間
利病之事叨蒙行移禁約所司多有奉行不至弊病
多端未蒙祛除深為民害伏願
聖恩納_臣愚款以伸下情庶得弊病皆除其情備達今將

使宣事理逐一開坐謹具

奏聞

計開

言事壹拾貳件

止抄出內壹件

建寧府為褒崇先賢事承奉

福建等處兼宣布政使司劄付准

工部積字二百五十五號勘合為褒崇先賢等事內一

件前事由清吏司案呈准營繕清吏司付事本部

連送准禮部咨儀制清吏司案呈准國子監典簿廳

手本查考得宋儒文正公蔡沈於正統十二年間入

後祀其文簡公劉焯勿軒先生熊禾雖未入祀然

其著書立言垂訓後世有功名教若得比例推恩侑

理各儒書院及優免其本家子孫一應糧差誠為斯

文千載幸遇手本回報到司案呈到部查得先准工

部咨於戶科抄出福建布政使司建寧府建陽縣坊里老人林惠等奏內一件褒崇先賢事切見本縣前代名賢遺有書院六所惟文公考亭書院官為脩理仍免其子孫朱潮等雜泛差役外有雲谷書院及有前朝

勅賜文正公蔡沈廬峰書院并文簡公劉燾雲莊書院文
肅公游酢廬山書院勿軒先生書院俱因年久損漏
先
傾頽克賢神像風雨飄淋其子孫貧富賢愚不等莫
能脩理伏覩尚書乃蔡沈所註及見四書周易性理

蒙

聖門如蒙乞

小學等書有劉燾游酢名言最多實有功於

勅該部轉行福建布按二司着落府縣官吏撥工修理書

院仍照例優免况朱文公子孫糧差一槩優免乞定

則例優免戶內糧米或叁石或伍石免其出倉夫役

惠着

以為定例庶免其受人說寄躲避糧差之患專者子

蒙

孫一人在院奉祀上蒙褒崇下化風俗實為便益具

本正統十三年五月初十日通政使司官於

奉天門奏奉

就

匠前去相看文正公等書院是否年久損壞先賢神像風雨飄淋當用修理乾便相計除舊有木瓦外合用添新物料并人工匠色作何辦撥緣由同房屋間

徑

座教目徑自具

熊

奏定棄施行其文簡公文肅公勿軒先生熊氏等書院照依勘合內事理宜從施行奉此參照委官一節查得本府官員但各公故無官可委若候有至日相勘不無遲慢擬合就行為此合仰當該官吏委官一員帶匠前去相看文正公書院是否損壞當用修理明

徑

本白聲說經自具

奏定棄施行其文簡公文肅公勿軒先生熊氏等書院照依勘合內理宜從施行毋違須至帖者

正統十四年六月初一日

建寧府建陽縣委官陰陽訓術翁瓚為民情事照案承

准本縣故牒承奉

本府帖文前事備奉

福建承宣布政使司劄付工房准勘合科付承准工部

積字貳百伍拾伍號勘合亦同前事備准本縣老人

林惠等奏內臺件褒崇先賢事仰行建陽縣委官帶
同匠作前去相看文正公書院是否年久損壞先賢
神像風雨飄淋當用脩理就便相計除舊有木瓦外
合用新添物料并人工匠色作何辦撥緣由同房屋
間座數目徑自具

奏定棄施行其文肅公游酢勿軒先生熊禾等書院要
行比例脩理照依勘合內事理宜從施行備奉轉行

故牒本職帶領匠作里老隨同

本府委官撫校 詹前去相看九峰先生文正公蔡

宇

尾

沈廬峰書院屋宇神像無存只有小屋三間詢據民
人黃童等執稱舊有書院屋宇一十餘棟年久傾頽
聖賢神像風雨飄淋木尾物料久廢無存惟外至官
路有廬峰書院四大金字牌額并牌坊一座永樂十
四年七月十六日洪水推蕩幸存金額牌扁似時子
孫蔡檀蔡桐等將舊有木料於書院基側草創小屋
三間中藏金字牌額三道以待復興據據木匠吳乞
丈量書院內基址橫闊計三十五丈真深計三十六
丈看得后山後有文正公故居基址內存有木尾并

小屋三間係子孫蔡檀旻管業按其家譜所載宋寶
祐三年

御書勅賜廬峰書院金額中曰遵道堂後有文正公父西
山先生蔡元定字季通西山精舍前有文正公子久
軒先生文肅公蔡杭創淵源師友堂左有傳心堂右
有思敬堂復看得基址內石礫神座規模猶存緣無
舊有木瓦合用重新建造該辦物料人工匠色未敢
擅便相計擬合就行為此早職今將公同相看過蔡
文正公廬峰書院基址緣由并比例宜從修理游文

肅公等書院基址房屋間座明白備開具本職并各
役不誣結狀一樣五本隨就牒呈

本縣乞為轉達照詳定集示下施行須至牒呈者

右牒呈

建陽縣

景泰二年四月 日委官陰陽訓術翁瓚

敕禮部翰林院通行議擬奏

請定棄則儒道增光斯文幸甚本部看得本官所言賜爵諸賢係禮制重典宜示將來合行翰林院詳考斟酌議擬

請定棄施行等因

成化二年六月二十三日尚書姚等於

奉天門奏次日奉

聖旨是欽此欽遵于本到院臣等竊詳商輅所言從祀諸賢於洪武中已增董仲舒正統中又增胡安國蔡沈真

德秀允愜公論但董仲舒止稱舊官胡安國等止以謚稱俱未加有封爵誠有待於今日之舉行也考得漢儒伏勝等俱封伯爵宋儒惟周敦頤程顥程頤朱熹得道學之正傳者追封國公其餘張栻呂祖謙亦封伯爵等級明矣今詳董仲舒為漢醇儒著書明道之功不在伏勝之下其胡安國蔡沈真德秀三賢皆宋名儒造道雖不及程朱之深而其釋經著書有功於天下後世比之張栻呂祖謙實相伯仲所擬胡安國蔡沈真德秀并董仲舒諸賢合無例封以伯爵庶

表

聖明崇儒重道之意等因具題本年七月十四日各官於
奉天門奏奉

聖旨是欽此欽遵抄出到部案照前事已行本院詳考議

擬去後今各官題將董仲舒胡安國蔡沈真德秀等

四賢封以伯爵既蒙

欽准緣所封爵邑出自

聖裁恩典本部未敢擅便定擬本年七月十七日本部

尚書姚

等於

奉天門題奏次日奏奉

聖旨追封董仲舒為廣川伯胡安國為建寧伯蔡沈為崇

安伯真德秀為浦城伯通行南北二監并天下學校

改正崇祀牌位欽遵擬合通行為此除外合行

連送仰五府經歷司呈堂轉屬儒學照依奏奉

欽依內事理欽遵施行依承備咨准此擬合通行為此

除外劄仰本府轉屬着落儒學速依勘合內事理欽

遵施行奉此擬合通行為此劄仰當該官吏速依勘

合內事理一體欽遵施行先具依准申報須至帖者

今內事一錄... 右帖下建陽縣准此

成化五年三月二十一日

禮部為褒崇儒道事... 會福建布政司比對硃墨字號... 完報施行須至照會者

禮部為褒崇儒道事今填皆字四百七十七號勘合照會福建布政司比對硃墨字號相同將同去事例作急完報施行須至照會者

一件褒崇儒道事祠祭清吏司案呈奉本部連送禮科抄出福建按察司僉事游明臣

聞福建古七閩之地漢初為無諸之國其人始未知學自唐常袞為福建按察司諸州觀察使課為文章親加講道興為客主之禮由是其俗一變又歲貢與內州等其閩人配享袞於學宮由唐而宋真儒輩出若游酢胡安

國明憲劉勉之劉子翬胡寅胡宏朱熹黃幹蔡元定劉
燦蔡沉真德秀熊禾之出於建寧楊時羅從彥李侗之
出於延平林之奇之出於福州陳淳之出於漳州皆著
書立言羽翼聖經而闡地遂有海濱鄒魯之號原其所
自寔由褒崇鄉校以倡之也洪惟

我朝立法定制非有功於道學者不以從配於闕之學宮
不復以袞配享而闕之諸儒亦惟胡安國朱熹蔡沈真
德秀得以從祀焉然又從祀外特加褒崇命各於其鄉
郡立祠朱熹祠於建寧而後增以黃幹劉燦蔡沈真德

秀配之楊時祠於延平而以羅從彥李侗配之

恩至渥也臣竊惟漢文翁守蜀郡興學化民而蜀郡祀之
至今袞之設校教民蓋與文翁等而其於業又似過之
游酢楊時之立雪程門俱稱高弟胡安國之傳春秋與
蔡沉之傳尚書真德秀之讀書記實與伯仲而胡憲之
安貧樂道劉勉之讀書講道劉子翬出入經傳是三君
子朱熹常師事之胡寅讀之史管見宏之皇王大紀蔡元
定之律呂新書其闡明斯道似不在羅從彥李侗之下
也如林之奇熊禾著述可儕於劉燦陳淳之學行似無

愧於黃幹今文翁得祀於蜀而常袞乃不得祀于閩楊
時等得祀於鄉郡而游酢胡安國以下諸賢故鄉無祀
誠為缺典黃幹雖曰配於朱熹之祠然祭又惟

命朱氏子孫五經博士專祀其祖晦庵先生比之

命有司祀揚龜山而以羅豫章李延平配者有間則朝雖
在左右亦似不敢安享也且福州府學舊有常袞祠宇
早隘頽敝而建陽等縣各有黃幹游酢胡安國等書院
亦多傾圮有司以祀典不載不復留意臣竊惜之如蒙
准奏乞

敕儒臣計議合無照依文翁祀典將常袞祠宇量為修葺
仍照楊時等事例將游酢胡安國胡憲劉子翬蔡發胡
寅胡宏蔡元定熊禾并蔡淵黃幹蔡沉真德秀劉燾俱
於本府共立一祠考其世次以序而列或將林之奇陳
淳等書院各加修理或於常袞之祠每歲春秋俱全有
司致祭又照得黃幹為朱熹道統卓傳而真德秀之學
實出於黃幹師弟淵源大致可見考其行實可師表乎
百世論其著述大有功於聖門既係一邦之望祀當合
于鄉國先儒真德秀贊其師友之盛猶顏曾之于洙泗

熊禾謂其經禮一書六經賴復其一此之諸賢尤其顯
褒伏望

聖明特勅儒臣重加議擬得照蔡沈真德秀等事例從祀
孔庭誠為曠典一以昭報諸儒扶世立教之功一以示
聖朝崇儒重道之意復斯文之光而天下之幸也為此具
本成化五年六月二十九日該通政司官於奉天門奏
奉

聖旨是該部知道欽此欽遵抄出到部查得先儒胡安國
蔡沈真德秀黃幹劉燭羅從彥李侗等俱有從祀鄉祠

難准外及查得黃幹熊禾先該訓導游宣奏要從祀已
行翰林院詳考未報所擬常衮要照文翁事例量為增
葺祠宇每歲祭祀緣常衮唐人為福建諸州觀察使設
鄉校親加講道閩之風俗為之丕變歿後閩人亦嘗以
衮配享於學官蓋崇重先賢有司常事合准其所奏合
行本司着落該府當該官吏將常衮舊祠於農閑時月
量為脩理每歲宜從本府設法措辦祭物依時祭祀仍
將林之奇陳淳等從實查考平昔行實應否鄉祀緣由
明白徑自具

奏以憑定集施行

嘉靖九年大學士張孚敬等議登正祀典撤去塑像
改大成至聖文宣王為至聖先師孔子神位四配十
哲兩廡凡舊封公侯伯爵盡皆革去仍改大成殿為
先師廟大成門為廟門各建啓聖公祠中起叔梁紇
題稱啓聖公之位以顏無繇曾點孔鯉孟孫氏配俱
稱先賢某氏之位程珦朱松祭元定從祀俱稱先儒
某氏之位每仲春秋二丁日遣國子監祭酒行禮十
一月奉

詔行南京國子監責令祭酒等官通行改正以稱崇儒重

道之意於是

車駕幸太學仍行南京遣官祭焉嘉靖十二年三月初

七日太子太保禮部尚書兼翰林院學士張言等題

為議

幸學以興教化以全文治事臣等照得啓聖公孔氏近

蒙

皇上登正祀典別立一祠專祀以顏無繇曾點孔鯉孟孫

氏配程珦朱松蔡元定從祀父子之位定天秩之分

明誠萬世之休典

昭代之備制今

聖駕臨幸太學親奠先師其四配十哲兩廡先賢已蒙

欽命大臣八員分奠外所擬本祠正配從祀位亦合

欽命大臣一員躬詣致奠以昭

皇上一體尊崇至意初八日奉

聖旨是遣吏部左侍郎周用行禮欽此

祭啓聖祠議

見南雍新志畧

或問於顏川氏曰啓聖祠祀矣然祭期秩典各處攸殊

訖無定說願聞其定予曰請述之容曰有丁祭之日先

祭先師而次祭啓聖者予曰子雖齊聖不先父食知所
以事人則知所以事神曷以明頌客曰有先丁一日省
牲前後預祀啓聖者予曰齊也者專致其精明之德也
當正祭未舉而輒用牲灌鬯則誠敬散而不專矣曷以
予明一客曰有先丁三日在甲日祭者予曰大聖既不可
先於父而繇黜鯉諸賢顧可先於夫子乎况隔越教日
而至於期反不與享是豈父子與共食之義哉曷以明華
予客曰有同時而別遣官分祭者予曰敬其父則子悅此
重其子而輕其父則子之心慰予太學列職分官是彼

時

予 上命遣官而在守土之臣奚可比例曷以明崇客曰斯四
者義誠未盡敢向所安予曰予曷知此但竊意宜丁祭
日夙興主祭官具官服早祭啓聖祠旋即易祭服用佾
樂祭先師是則同一晨也既非時日隔別之久矣以次
舉也又合父子先後之序矣主祭秉誠聖父無輕褻之
嫌矣易服作樂聖師格誠敬之專矣獻灌相繼不蹈子
子先父食之議矣廼並陳且得父子同食之愛矣斯
予 之謂明倫斯之謂崇孝是典也何如予是客日記云禮

也者義之實也協諸義而協諸禮雖先王未之有可以
義起也君之論禮其協諸義矣請以告諸執札者於是
為祠議

也者義之實也協諸義而協諸禮雖先王未之有可以
義起也君之論禮其協諸義矣請以告諸執札者於是
為祠議

官司崇祀目錄

景泰五年布政李 脩理優免

天順七年提學游 脩理

成化六年副使潘 為優崇先賢子孫事

成化十年巡撫都御史張 為褒崇先賢事

成化十一年巡按御史尹 脩理優恤

弘治七年知縣張 置祭田

正德九年提學姚 置祭田

又作養子孫祭汶衣巾進學

嘉靖三十一年御史曾脩理

三 萬曆十二年御奏揚復祠修理加免

萬曆二十二年御史陳修理增免

萬曆二十五年軍門金修理

萬曆二十七年知縣魏置祭田

萬曆三十二年知縣周立扁

大興丁年知縣

景泰五年知縣

官同崇祀

官司崇祀

景泰五年

欽差鎮守福建兵部尚書孫照會

福建等處承宣布政使司在布政李劄仰府縣照依

朱文公事例修理書院優免子孫糧差二十六石丁

天順七年

提督學校游諱明給銀貳拾兩重建廬峯書院

建寧府為優崇先賢子孫事抄蒙

福建提刑按察司副使潘 案驗奉

欽差巡視福建都察院右副都御史滕 劄付前事照得

宋儒楊龜山羅仲素李延平出自延平所屬朱晦庵

劉白水胡文定劉文簡真西山蔡九峰劉屏山游定

夫劉韜仲熊勿軒劉省軒出自建陽崇安二縣俱各

著書立言接承道學師表百世但其世代更遷子孫

流落或存或絕事難稽攷即今委官分投審造年例

徭役文冊正當尋訪優恤庶足以見尊崇之意為此

劄付本職查照見行事例即於建寧二縣并其他縣
分用心訪究前項諸儒果曾著書立言修身飾行有
益於來學有功於吾道不問有無從祀廟庭但有子
孫見在者務查滴泝來歷的實就將戶下一應差徭
盡數優免若子孫無存而墳塚見在者則於臨近居
民內除豁一戶常川看守培脩毋令小人盜掘樵牧
再照邵武府有宋相忠定公李綱先賢任希夷李因
祖何鎬李震吳季子黃簡肅諸儒俱有文集見行于
世其後世子孫亦當從恤優免庶使尊崇之典不獨

專美於前時而感發之心亦足以激於後人仍將查
訪過緣由回報尋因奉此擬合就行為此仰抄案回
府着落當該官吏照依劄付案驗內事理即行各該
屬縣拘集通都里老人等到官詢訪前件先賢子孫
嫡派姓名呈報以憑優恤中間果無子孫接承亦要
訪問墳墓下落就僉附近一戶看守不許樵採耕種
如有妄將同姓旁枝朦朧呈報定行究治不恕仍仰
本府轉行邵武府一體查報施行抄案官吏先具不
違依准呈來蒙此擬合通行除外合仰本縣當該官

吏速依案驗內事理即便查勘前項先賢嫡派子孫
姓名要見墳墓下落緣由依文聲說呈報申繳以憑
轉達施行毋得將同姓旁枝朦朧回報違錯不便湏
至帖者

成化六年十月初二日

建寧府為褒崇先賢事承奉

福建等處兼宣稱政使司劄付據本府申抄蒙

欽差巡撫福建都察院右副都御史張案驗前事

看得建寧府所屬係是先儒朱子并李延平羅仲素

游定夫楊龜山蔡西山劉文簡蔡九峰真西山劉

仲熊勿軒劉屏山胡文定諸儒鄉邦其餘尚多不能

悉數八郡人多文公過化之地與忠臣烈士皆有祠

宇誠恐有司不知所重先儒子孫全不優恤際派差

徭甚迨祠宇頽頽墳墓作踐略不經心甚非崇儒重

又

徵遂

道課忠貞孝之心本院先為激勸風化事照得民間
多有孝子順孫義夫節婦操持清白之吏前代死事
之人或家貧不能自建或年久無人能知或不幸無
嗣或子孫單獨墳墓無主文獻無徵遂致湮沒仰各
該府縣官員嚴督通都里老人等訪問高年文獻故
家但有前項之人不分年月久近盡行查出當旌表
者照例疏其行實明白具

奏當禮侍者以禮優待已故有子孫者量免差役無子孫

者為之修葺墳墓禁約樵牧道學君子未收入鄉賢

禮者宜從本縣收入及有曾官政績卓異今雖去任
遺愛在人亦各表出庶使風化歸厚人知勸懲等因
已行去後今照前事合仰建寧府抄案回府通行所
屬查出先賢子孫照依先前

欽差巡視福建都察院右副都御史滕所擬但係先賢
不問有無從祀廟庭若有子孫見在者務查嫡派來
歷的實就將一應雜泛差役盡數優免若子孫無存
而墳墓見在者則於隣近二丁民內除豁一戶常川
看守培脩其餘悉照先行事理舉行務要實效毋事

虛文通行具由回報仍行布按二司通行福州等府
所屬一體施行奉此備申到司擬合通行除外劄仰
本府當該官吏照依案驗內事理轉屬遵奉查勘具
由回報施行奉此擬合通行除外合行帖仰本縣當
該官吏照依劄付內事理一體遵奉施行須至帖者
成化十年五月二十二日

成化十一年蒙

巡按福建監察御史尹公仁給銀壹百兩重建廬峯書院
福建等處兼宣布政使司李給銀壹拾肆兩提刑按
察司副使鄭給銀伍兩建寧府通判李給銀壹拾
兩優免糧米五十二石丁

又蒙

巡按御史莫公立之給銀貳拾伍兩重建門西世坊

又蒙

巡按御史徐公鏞僉憲談公俊給銀叁拾肆兩中建宋

理宗御墨坊左右列四世九儒三註扁

又蒙

提學道任公彥常僉憲楊公峻給銀貳拾兩重修祠宇

寧府建陽縣為處置祭田崇尚先賢事准本縣知
縣張 淵切具本縣雖八閩最爾之區實先賢輩出
之地其間若紫陽朱文公晚年講道考亭集諸儒之
大成紹濂洛之道脉尚矣若西山蔡氏父子雲莊劉
氏廌山游氏勿軒熊氏亦皆著書立言扶世立教各
立書院以崇奉矣特以祭田未立時祭未供乃宗祝
之羞實有司之責近嘗查得無碍銀兩備申蒙凡置
立考亭書院祭田而蔡氏并各賢祭田尚之誠為缺
典近又查得本縣原立東津浮橋一所額僉橋夫四

缺

蒙
十名看守橋船每名僉糧壹拾石每年出辦工食銀
肆錢每名橋夫每年計得工食銀肆兩先於弘治三
年四月初一日忽被山水泛漲橋船漂流各處建造
間本年七月初八日為驛傳事蒙 命與四賢合
福建布政使司左叅議程 行文除革至弘治四年
十二月初二日民人萬毛等因見浮橋除革往來不
使連名具狀赴 巡按福建監察御史吳 處訴告蒙准批縣踏勘依
物集通縣里老陳瑄等勘得前橋委係往來便民

准脩復仍舊於弘治五年八月終造完前橋船隻
仍舊接濟橋夫仍舊應役看守自弘治三年七月初
八日起至弘治五年八月終止俱係革退空闲年月
扣算通該工食銀三百四十二兩二錢內除六十兩
香民李文鼎等收取添造橋船外更餘銀二百八十
二兩二錢係無碍官銀欲徵前銀均給與四賢各嫡
派子孫蔡佐劉文祥游慶熊斌及委老人二名眼同
支給前銀照依時價收買附近洽書院民田給帖付
各賢子孫執照常管歲收租米時供祭祀候下次造

冊各照書院原額起立戶籍收割祭田產畝入戶庶
伸時祭之儀少違有司之責緣係處置祭田崇尚先
賢事理未敢擅便合行移用本縣煩為轉達照詳施
行備閱准此擬合就行為此卑縣合行備申申乞
照詳示下遵奉施行須至申者
弘治七年三月十四日

蒙

知縣張公津 給浮橋銀捌拾貳兩給子孫蔡佐領脩葺

并免糧差叁拾貳石丁

萬曆九年蒙

督

欽差提督學校姚...置祭田捌羅伍斗俾以助祭祀

又蒙作養祭汶衣巾進學

嘉靖三十一年蒙

巡按御史曾公佩重修西山祠廬峯書院 提學副使朱

名衡撰記

萬曆十三年蒙

巡按福建監察御史楊公四知奏復祠宇又給銀壹拾陸

兩脩理書門四世坊優免子孫糧差壹拾陸石丁

萬曆二十二年蒙

巡按監察御史陳公子貞給銀壹拾叁兩重建家傳心學

力扶道脉二坊增免糧差叁石丁

知府龔公道立給銀叁兩 知縣趙公子貞給銀貳兩

萬曆二十五年四月

建寧府建陽縣為修葺先賢祠墓并採訪遺文以重風

教事准

福建都轉運鹽使司經歷司知事林公培

欽差提督軍門金公學曾憲牌前事開會本縣清查凡有

刊 宋時大儒墳墓幾所祠宇書院幾座有無著述列刻
詳勤官銀重加修葺等因准此 隨蒙源任南京河
南道御史林公培親臨查勘祠墓給銀壹十兩肆錢
修理書院并坊門

萬曆二十七年蒙
建陽縣知縣魏公時應贖回書院前田米二段共壹拾
畝并貳羅又一段田米陸羅坐落地名扣水庵又立理學
淵源扁

萬曆三十二年蒙

縣尹周公

立理學世家扁

